



SULEQATIGIISITSISUT
SAMARBEJDSPARTIET

XM2020/18

Tillie Martinussen

1. april 2020 – Siullermeerneqarnera

Uunga siunnersuut: Nappaatit tunillaassortut akiorniarlugit iliuutsit pillugit Inatsisartut peqqussutaata allanngortinneqarnera pillugu Inatsisartut inatsisissaat nr. xx, xx.xxx-imeersoq (Tunillaassuinerup pinaveersaartinniarnernani siaruarnaveersaartinniarnernanilu aamma sullissiniarnermi pisariaqartitat il.il. qulakkeerniarnernanni iliuuseqartoqarsinnaanermut annertusaaneq)

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Asasakka inoqatikka, asasakka tusarnaartut, asasakka Inersuarmi maani ilaasortaaqatikka:

Piffissami nutaanerusumi Kalaallit Nunaanni ullumikkutut taamatut ajornartigisumik

inissisimanikuunngisaannarpugut.

Nappaat taamatut paasissaanngitsigisoq atuuppoq, ullumikkullu nunarsuarmi ullormiit ullormut

upperiuminaatsorujussuarmik pisoqartarpoq. Nunat matoorarput, timmisartukkut angallanneq

uninnikuuvoq, nunarsuarmi attaveqatigiinneq angalanerniit nunat akimorlugit ilisimasanik

avitseqatigiinnermut ilisimatusarnermullu nooriataarpoq.

Virussip nutaap pissusia; Covid-19 allanngorartuarpoq, sananeqaataa allanngorarpoq, allanngortarpoq,

ippassarlu qularnaatsut ullumikkut qularnarsisarput. Taamatut atugaqarpugut, taamaamallu massakut

atatsimiilluta.

Qujanartumik isumaqatigiissutigaarput, suut allat tamarmik unitsinneqassasut sukkernepaamik,

eqqarsariaatsigut qanorluunniit assigiinngitsigigaluarpata suleqatigiilertariaqarluta. Tapersiissutit tamarmik

naligiimmik naleqarput pisariaqarlutillu.

Inatsit assigiinngitsunik imalik una suliaritillugu tamanna ullumikkut eqqaamassavarput-

Nappaatip nunarsuarmi tamarmi atuutilinnginera qanorluunniit inissisimasianerput apeqqutaatinagu,

nappaatip uum tamatta ajornartorsiortippaatigut, ullut tamaasa annertunerulaalartartumik. Pingaartumik

Nuup matunerani, ulluinnarni inuunerput, sianiutigut ileqqugullu ajornartorsiortinneqarput.

Tamanna inatsisiliornikkut qaangerneqarsinnaanngilaq.

Tassunga taarsiullugu inuiaqatigiit tassanilu inuit tamatta sullisissavagut, qanittuararsuarmik. Inunni

ajunnginnerpaat pissutsitsinnilu ajornerpaat piffissami maani saqqummerput. Toqususaanerput,

qajannartuunerput, nakuussutigut ataatsimoorinissallu pisariaqarnera tassanngaannaq salliulerput.

Uluinninnarni inuunerput periarfissagullu annikillilereerput, ilatta tamanna kamaatigaat, allat suut tamaasa

akueraat, amerlanerit nalornippit, avatangiisillu qaninnerit iliuuseqarfigisarlugit. Tamatta Covid-19-imit,

ulluinnarni taaneqartumit Coronas-virissumit (nutaamit) eqqorneqarsinnaavugut.

Nunaqarfii illoqarfiillu, utoqqaat, inuusuttut, napparsimasut peqqissullu. Tamatta assigiimmik

atugaqarpugut, ajornartoornerlu una ataatsimoorluta qaangissavarput.

Suleqatigiissitsisut uppeeraat annilaanganeq neriunnerup ajugaaffigissagaa, asanninnerup immitsinnut

ungasinnerput qaangissagaa, isumassuinerup imminuinaq eqqarsaatigineq ajugaaffigissagaa,

Soqannginneq atorunnaarluni ilisimasaqarneq atuutilissasoq. Soqanngittoqarnera amerlasuut ullumikkut

sapaatillu akunnerini kingullerni marlussunni misigisaat, tassani – nunarsuarmi tamarmi atuuttut –

tassanngaannq sukkaasoorujussuarmik peqqissutsitsinnik navianartorsiortitsisoq takussaannngitsoq

isummerfigissallutigu. Covid-19 takuneqarsinnaanngilaq, paasineqarnikuunngilaq ilisimaneqarariluni,

tigussaannngilaq assigiinngitsunillu eqquisarluni. Isumaqarnerput napparsimasut, utoqqaat

navianartumiittullu virussumit taassuminnga naviartorsiortinneqarnerusut eqqorsinnaavoq, kisiannili



SULEQATIGIISITSISUT
SAMARBEJDSPARTIET

imminnut pinngitsaalilluta isummerfigisariaqarpaput, inuppassuit ajortunik ileqquqanngitsut, nappaateqariingitsut nappaammiit taassuminnga sakkortuumik aamma eqqorneqartartut. Paasisassagut amerlaqaat.

inuiaqatigiinni ajoqutaasut aamma takuagut, tassanngaannarlu annilaanganeq, imminuinnaq eqqarsaatigineq, kiserliorneq, naviartumiinneq, angerlarsimaffeqannginneq, nakuusertarneq atornerluinerlu siornatigorni allatorluinneq isummerfigisussanngorpagut. Immaq innuttaaqatitta ilaasa ullinnarni atugaat isit nutaat atorlugit takunissaat peqqinnartuuvoq. Toqqortorneqartut tamarmik, init iluini, oqallisigeqqusaanngitsut, qanoq iliuuseqarfigissanerlutigit nalusagut. Tamakku massakut isummerfigissavagut.

Aammali pitsaasut, atuuttuusut qulerinngisagut; ataqatigiinneq, inussiarnerneq, qanilaarneq, asanninneq isumassuineq pigisarput allallu misigissusaanik sallaatumik paasinninneq inoqatittalu misigissusaannik paasinninneq; ilisimanikuunngisagut piffissami maanni saqqummerput.

Pissutsit tamaassoriinnakkagut maannakut ajornarsisinneqarpur, tassanilu inissisimavugut. Immitsinnut allallu allatorluinnaq takulerlugit, kiffaanngissuserput angalasinnaanerpullu annikillipput. Qanoq iliussaagut?

Allat misigissusaannik paasinnittariaqarpugut asannillutalu. Periataallaqqissutut takutinniartarneq unittariaqarpoq tassungalu taarsiullugu pissutsit ilungersunartuunerat paasillugu, ajornartoornerlu atugarput silatusaarluta qaangerniartariaqarlugu. Tassanngaannaq. Ulluinnarni ulapaarfiusumi tarnip pissussaa nalinginnaasumik qaangiinnartagarput paasiniarsarisariaqarpurput. Inuit isummerfigisavallaartanngisagut paasiniartariaqarpagut, paasillugulu inuiaqatigiinni ilaasugut, aammalu immitsinnut ilisimaneqanngitsullu paasiniarsarisariaqarpagut, tassani Covid-19-ip ilinniagaqarsimaneq, isertitat, ukioqassuseq suminngaaneertuunerpullu immikkoortinneq ajormagit. Nunarsuaq tamarmi, inuiaqatigiit tamarmik tamassuminnga eqqorneqarpur.

Qanillinata ilassisarpugut, pissutsinilu maannakut sakkortuumik atugaqarfigisatsinni:

Stressi annilaangeq, kiserliorneq navianartumiinnerlu qanilaarneq, asanninneq, pakkussineq, nukissineq, assakut tigummineq tuikkut attuineq, atuinneq qanilluta anersaartorneq, inuit asasagut qaninneri atorlugit akiortarneri. Inoqutigii amerlanngitsukkuutaarlutalu katersuunnerit eqqaassanngikkaanni tassanngaannaq pituttugaalerpugut:

Oqaatsit naammakkunnaarpata, oqaaseqarata attuineq, kunissineq, pakkussineq tuikkullu atuineq atorlugit attaveqartitsisinnaajunnaarpugut. Asasatta ilaat nerisassiuussinnaanngilagut, ikinngutit ilaquuttallu pisarnertit katersuuteqatigisinnaajunnaarpagut.

Isumassuineq, asanninneq, allat misigissusaannik paasinninneq qaninnerpaanerlu; atuinneq taamatut pisoqartillugu oqaaseqarnata takutitsineq, asanninnitta paasinninnitalu takutinnissaat atorsinnaanngilagut. Taakku atorutsigit asasagut tunillassinnaavagut. Ila naapertuilluannginneruvoq. Paasiuniuminaallunilu. Ataqtigeeriaatsit nutaat nassaaraagut, paasilluguli allanut sanilliullugu tamanna qanoq naammannngitsigisoq.

Tatigeqatigiinnissarpur ulluni makkunani pingaaruteqarluinnarpoq. Oqartussanut tatiginninnissaq pingaaruteqarluinnarpoq. Attaveqarneq, paasissutissanik avitseqatigiittarneq sukumiisumillu ilitersuineq aammalu sillimaniarneq sapaatit akunnerpassuit, qaammaterpassuit ukiorpassuillu tulliulluttut inuiaqatigiit qaangiilluarnissaannut pingaaruteqarluinnarput.



SULEQATIGIISITSISUT
SAMARBEJDSPARTIET

Annlaangasunut eqqarsartunullu tamanut; ajornartorsiornermi uani inuussutissaqarsinnaavuga? Suliffissarsisinnaannngitsut, suliffeerussimasut, suliffeqarfiutiminnik allatulluunniit inuuniutiminnik annaasaqaqqajaasut uani eqqaaneqassapput. Pisortat tapersiisarneranni ajornartoortut, angerlarsimaffeqanngitsut, ilaquataqanngitsut, ilaquataqanngitsut qanittumillu attaveqarfeqanngitsut aamma. Iliuuseqarfigineqassapput ikiorneqarlutillu. Aamma piffissami Coronaqarfiusumi. Namminersortut suliffeqarfiutaat inummit ataatsimit pigineqartut, inuussutissarsiortut annikitsumik ingerlatsisut ikitsunik sulisullit, innarluutillit, tiimini ikilisani sulit, tiimimusiallit sulisartullu; takuassi aamma ilissi taassallusi pingaartuuvoq.

Nalunngilarput ilaquattasi inuussutissaqartussaagisi, ajornartorsiorneq sakkortunerungaartumik eqquisoq ilissilu annaanniarlusi iliuuseqartoqartariaqarpoq.

Aammali inuiaqatigiinni pissutsit uteqqivigisassagut eqqarsaatigissavagut, Covid-19-inillu atugaanerani killiffimmi sumiinnerisugut. Suli ajornartorsiornermiippugut? Immaqa suli akornatsinni tuniluuttoqarujussuanngilaq. Taamaammat Danmarkimisut sukkussat atorfissaqartissavagut?

Inuussutissarsiortut namminersortut piffissami uani annaaneqassapput, ajornartorsiorneq una qaangiuppat uummaarissunik uterfigisassatsinnik inuiaqatigeeqartariaqarpoq, periarfissarpassuaqartariaqarpoq, suliffissallu sapinngisamik amerlanerpaat annaaneqassapput. Inoqatitsinnut angerlarsimaffiminni mattusimasunut mattusimatinneqartunut immikkut inuulluaqqussut. Neriuppugut ajunngitsusi, pissutsillu atuuttut qaangerluassagisi atorfissaqartitassinnillu tamanik ikiorneqartusi.

Pissutsit atukkatik, ulluinnarni inuunertik ajornartorsiuutitillu, annlaangasunerup kinguneranik ikioqqullutik uagutsinnut allattunut, tapersersuisunut kaammattuisunullu tamanut quajanaq.

Nappaat una paasiuminaapoq, paasiartulertariaqarparpulli eqqarsannginnerup kinguneranik tunillatsittoqarpat tamanna navianartorsiorinneqassaagut.

Tamanna Covid-19-ip paasinarsisilluarpaat, tamassumalu paasinissaanik pinngitsaalilluta. Taamaallaallu misissuinikkut angusaqarluartoqarsinnaavoq. Apeqqulli annerusoq tassaavoq tamanut pitsaanerpaajusumik iliuuseqarnissamut qanoq kajumissaqatigiissinnaanersugut.

Suleqatigiissutsisunit pivisuumik ataavartumillu nappaatip kingunerisinnaasai uparuartorniarsarinikuuvagut, peqqissutsikkut, polikkikkut, aningaasaqarnikkut periusissiornikkullu – sallerpaajutilluguli inuttut. Paragrafi 37 naapertorlugu ulloq 29. januari apeqquteqartinnitsinniit maannakkumut siusinnerpaamik aqqqissutissat ilaat qulakkeerniarlugit qasusuilluta sulinikuuvugut, ilaatigut partit siuttuisa akornanni.

Italiami ajutoorluinnartoqannginnerani Asiamit nutaarsiassani mianernartoqarneranik takussutissat uagutsinnut ersarinnikuupput. Siusukkut uagutsinnut ersarippoq nappaat una pillugu suaartaateqarniarluta suut tamaasa atoarlugit iliuuseqartariaqartugut. Iliuuseqartitsiniarluta.

Sunik pisoqalera paasiniarlugu, qanoq sivisutigissanersoq, nappaatip tuniluuttup nunuarsuarmi tamarmi atuuttup aappasaanik pingajussaanillu qanoq kinguneqassanersoq paasiniarlugu suliassaq arlaannatsinnulluunniit oqitsuunngilaq.

Taamaaliorniarsarisariaqarpugulli, ataatsimullu eqqarsaqatigiilluarutta angusaqarluarnerussaagut – tamatta.

Qisuariaateqarata iliuuseqarnissarput piffissami sivisuumut eqqarsarnissap taamaatinnginnissaa pisariaqarput.



SULEQATIGIISITSISUT
SAMARBEJDSPARTIET

Isumaqarpugut inatsisisinut ukununnga taakkualu suliarineqarnerannut atatillugu uku paasinierneqassasut:

1. Periusissiaq nunatut suna malinniarparput?

Siunnersuutigut tassaapput, taamaattuaannarnikuullutillu:

> Amerlasuunik akulikitsumillu misissuisarneq, piffissami sivisuumi, kapuutik, nakorsaatip pissarsiarineqarsinnaalernissaata tungaanut imaluunniit tuniluunnerup annertusiartorunnaarnissaata tungaanut.

> Nunatsinnut tikinnermi mattussaatsilluni nunatsinnut angalanissamut malittarisassat sakkortuut, tamannalu Hotel Kangerlussuarmi allanilu immikkoortitsinissamik mattussinissamillu periarfissaqarfiusuni paasinierneqartariaqarpoq, aammali pilersuinerit nerisassassallu. Tamassuma kingorn illoqarfinnut nunaqarfinnullu angalanermi nunami tamarmi innuttaasut peqataaffigisassaanni misiliinernik malitseqartumik, sapinngisamik akulikinnerpaamik. Isumaqarpugut tuniluunnerup aqunnissaanut piffissamut sivusuumut akikinnerpaajussasoq, taamaalilluni inuiaqatigiit sukkasuumik ammarneqarniassammata.

> Covid-19-imik napparsimanermi ilaquttat ikinngutillu qimallugit mattussiviit. Tuniluuttoqariaannaaneralu taamaaliornikkut ajornannginnerusumik iliuseqarfigisinnaavarput, tusarnikuuarpullu tunillaasqariaannaaneralu annilaangagineqarnera pissutigalugu inuit ataasiakkaat inoqutiginnut angerlaqqusaanikuunngitsut. Tamanna annertuumik misiliinernikkut, inunnut tunillatsissimasunut mattussaallutilluunniit inuusunut pitsaasunik atugassaqartitsilluni mattussiveqarnikkut tamanna pinngitsoortissinnaavarput.

Aamma tuniluunnerujussuarni allanit misilittattakkut ilimanarsisippaat qanigisariinni tunillaaqqittarneq siulliullutik tunilatsittunut saliniullugu tunilanneqartut ajornerusumik napparsimasartut.

Pitsanngorsaaniarnermit pitsaaliuineq ajunnginneruvoq. Taamaaliornikkut piffissat ilaani nakorsamit ikiornisaqarnissamik pisariaqartitsisut qanoq amerlatiginersut aamma takusinnaalissavarput.

Naggasiullugulu, amerlasuut tunillatsinnissaat peqqinnissaqarfittalu artukkernissaa pinngitsoorniarlugu. Siullermik aappasaanillu tuniluuttoqannginnissaata pinngitsoortinnissaa immaqa pitsaaneruvoq.

> Avataaniittunik, tassunga ilanngullugit Naalagaaffeqatigiinnermik, Islandimik nunanillu allanik suliamut attuumassuteqartunik periusissiornermi suleqateqarneq. Tamassuma misilittakkanik paarlaasseqatigiinnissamik, paasissutissat nunanilu allani ilisimasat atornissaannik, suliamik ingerlatsinermi ataatsimoorfiit akimorlugit sulinissap qulakkeernissaanut, ilisimatusarnermi paasisaasinnaasut nutaat, nunarsuarmi nakorsaatini kaputinillu misiliinerni paasisat paasisaqarfiginissaannut periarfissaqalissaagut, taamaaliornikkullu nunatsinni paasissutissanik pitsaanerusumik pissarsiassalluta.

Nappaatit tuniluuttut pillugit ataatsimiititaliarsuarmut politikkerinut tamannalu pisariaqassappat oqartussanut allanut.

> Misissuineq pisariaqassappallu tunillatsissimanermik pasitsaassanut AAMMALU matussaasunut pissutsit aqunneqartut atorlugit ikiuineq.

2. Periusissiatut siunnersuutigineqartoq atornerparput; inatsisissatut saqqummiunneqartut immikkoortui tamarmik pisariaqavissappat? Imaluunniit immikkoortut ataasiakkaat naammagisinnaavagut? Allatullu iliusissanik nassaarsinnaavagut?

Inatsisissami immikkoortut akuerineqartut qaqugukkat atornerqarneqarsinnaanerannik, ersarissumik assersuusiorneqannginneri, naammagittaalliorfissat atuinermillu nakkutillinerup ersarissarneqannginneri ernumanarpoq. Nappaatit tuniluuttut pillugit inatsimmi atuuttumi Namminersorlutik Oqartussat



SULEQATIGIISITSUT
SAMARBEJDSPARTIET

taarsisussaataanerat aamma allanngortinniarnearpoq. Pinngitsaaliissummik taarsiissutitalimmik pigisanik piginnikkunnaarsitsinermi aammali taasisussaataaneq allatigut pissutissatissaqartumik ilimagineqarsinnaatillugu aalajangersakkap uuma inatsit una nutaaq piinnarnagu qanoq atuutinnginissaa sukumiisumik aamma oqallisigineqartariaqarpoq.

Qaorluunniit pisoqaraluarpat tunngaviusumik pinnaatitaaffitta, soorlu killilersorneqarani katersuussinaneq, iliuusissat uani taaneqartut atorneqarpata aalajangiinernik nakkutilliinissamik pilersitsinani atorunnaarsinnissaat mianereqqissaartariaqarparput. Sumulluunniit attuumassuteqanngitsumut naammagittaalliornissamik naammagittaalliutillu nalilersortinnissaanut periarfissaqarani. Taakku tuniluuttumik napparsimasoqarneranut atatillugu taamaallaat atorneqarannik nakkutilliinissamik periarfissaqarani. Kiffaanngissuserput tamallu oqartussaaqataanerat, inuit nammineersinnaanermik pinnaatitaaffii innarlerneqartussaanngitsut, inuussutisarsitit nammineersinnaatitaanerat, politikikkut immikkuualuttunik aqutsinnginnissamik tunngaveqarneq, allanut akornutaappata allanut ajoqusiippata allalluunniit pigisaat tiguneqarpata il.il. inuit ataasiakkaat naaggaarsinnaatitaanerat eriaqissavagut. Inuiaqatigiit inatsinik tunngaveqartut tamakku tamaasa tunngavigaat.

3. Piffissaq taassuma atorunnaarfissaa tassaavoq 31. decembari 2021. Tamanna uagut paasisinnaanngilarput. Qaammatit tamaasa, qaammatit pingasukkaarlugit imaluunniit malittarisassat ajornartorsiornerup qaangerneqarneranik aalajangiisut sukumiinerusumik aalajangersakkat atorlugit annertusisamik piginnaatitsisnaanerup nalilersoqqinnissaa ajornartariaqanngilaq. Ullumikkut nutaamik ataatsimeeriaaseqarpugut. Taamaaliortoqaqqinnissaa ajornartariaqanngilaq. Siusinnerusukkut nalileeqqittariaqarpugut. Assersuutigalugu illoqarfinni tuniluuttoqarunnaarnerani. Ulluni 14-ini imaluunniit 20-ni imaluunniit ulluni 30-ni nutaanik tunillatsittoqannginnerani. Tamanna kisimiitillugu atussanngilaq, soorunalumi siunnersuutitsinnut assingusumik misililummik periusissiaq apequtaalluni. Allanguutissatut ullumikkut siunnersuuteqarnikkut piffissaritinneqartup killilerneqarluarsinnaavoq, tassumalu ilanngullugu aappasaanik pingajussaanillu siulermik uppernarsineqartumik tuniluuttoqalernerani pisariaqassappat atorneqaaqqissinnaasunik immikkut sakkussanik isumaqatigiissutigisatsinnik allannguutinik aamma ilanngussinikkut. Taamaalironikkut inatsisit ilaat iliuuseqarfiginissaat ajornannginnerujussuussaaq, politikerillu uiverlutik iliuuseqanngissaat tassungalu taarsiullugu eqqarsaatigilluakkanik uani inatsisiliornissap qulakkeerneqassalluni.

Takoriartigu suliaqarsinnaanerluta; piginnaatitaaffiit atorunnaarsinnagit taakkulu qaqukkut atorneqarnissaannik aalajangersimasunik malittarisassiorata atorunnaarsinneri inatsisinnngortinnagit. Allatut iliorsinnaanerluta takoriartigut, Nappaatit Tuniluuttut pillugit Ataatsimiititaliarsuup inatsisinillu atuutsitsisut aalajangigaat annikillissinnaanerigut, aammalu inuiaqatigiit inatsisilik tunngaveqartut atuutitiinnarnissaannik inuiaqatigiinnut kissaateqartunut iluaqutaasumik, peqatigitilluguli nappaammut nappaataalinnginnissaanillu illersuinermut akisussaassuseqartorujussuulluta. Ersarippoq taamatut iliuuseqarneq inatsisilerineq kisiat eqaarsaatigalugu qaqukkut allanut navianartorsiortitsilernissaanut tunngatillugu nunami kiffaanngiffiusumi tamat oqartussaaqataaneranni piginnaatitaaffinni immikkoortoq mianerisassaq pineqarpiartoq. Tamanna sukkasuumik atuutilersinnagut paasiuminartumik tamakkiisumillu oqaluserisariaqarparput, taamaammat ataatsimiinneq una pisariaqassappat ulluni arlalinnut sivitsorneqarnissaa siunnersuutigaarput.



SULEQATIGIISITSISUT
SAMARBEJDSPARTIET

Allatut iliuserineqarsinnaasut Suleqatigiissutsisuniit aamma siunnersuutigaarput, Danmarkimi inatsit kisat atuinnarnagu nammineq eqqarsaasersorsinnaaneq, assersuutigalugu eqqartuussiviit sillimanermik aallartitillugit, tassa festernerit taamaatitinnissaannik pisiniarfinni katersuuttoqarunnaarnissaannik kissaateqarnermi eqqartuussiviup aalajangiisarnera eqqarsaatigalugu ulloq unnuarlu sulisoqartillugu, tamannalu malillugu inatsisiliorluta. Ilaasortaaqatitta tamanna pillugu eqqarsaataasa tusarnissaat qilanaaraarput.

Pargrafiit tamarluinnangajammik ajornartorsiutaapput, itisiliisoqarnissaalu sukumiisumillu oqallittoqarnissaa pisariaqarluni.

Pigisanik ininillu arsaarinninneq, pinngitsaaliisummik taarsiissutitalimmik pigisanik piginnikkunnaarsitsineq kiisalu pinngitsaaliilluni kapisisarnerit pinngitsaaliillunilu napparsimavimmut unitsitsisarnerit imaluunniit inuit tarnikkut ajuutillit paarineqarluartut eqqarsaatigalugit ajornartorsiutaapput.

Soorlu paragraf 21/21 1-mi taaneqartoq nappaatinut tuniluuttunut tunngatillugu paasissutissiisuteqartussaannermi suut naleqquttutut isigineqarpat?

Tamakku sakkortuumik killilersortariaqarpagut, ilimagineqartariaqarpolu paasissutissat taakku qanoq atornerqarnerat peerneqaqqittarnissaallu Naalakkersuisut akisussaaffigaaq – taamaallaallu nappaatinut tuniluuttunut atatillugu atorneqassasut?

Assartuutitut tamanit atorneqarsinnaasunut, pisiniarfinnut il.il. isersinnaanerup

inerteqqutaasinnaaneranut killilersornissaanullu tunngatillugu: Tamanna kiap atuutitissavaa? Pisiniarfinni sulisunut, politiiunut, bussertartunut sumiffinnillu arsaarinnittussanut inunnillu pinngitsaaliilluni napparsimavimmut unitsitsisussanut akisussaaffinngortinneqarnera artornartorujussuussaaq. Tamassuma qanoq ingerlanneqarnissaa eqqarsaatigineqarpa?

Naalakkersuisunut aamma Nappaatit Tuniluuttut pillugit Ataatsimiititaliarsuarmut annertuumik piginnaatitsinerit taakku ingerlanneqarneranni kukkusoqannginnissaanut qulakkeerinninneq ilanngunneqarnikuunngilaq, Inatsisartunut suliamik qanimut malinnaasinnaasut ingerlaavartumillu aaqqiissusinnaasunut, nakkutilliisussaasunut Naalakkersuisullu peqatigalugit akisussaataasussanut minnerpaamik ilangussaqaarnissaat taakkunungalu paasissutissiisarnissap qanoq qulakkeerneqarnissaanut ersarissumik pilersaaruteqanngilaq

Kukkusunik aalajangiinsoqarpat ersarissumik naammagittaalliutinik taarsiiviginninnissamillu aalajangiisartussanik ersarissaanissaq amigaataaovq

Pinerluttulerineq pillugu Inatsimmi atorneqarsinnaasunik sunik pineqaatissiisoqarsinnaanersaq ersarinngilaq. Akiliisitsisoqartassava? Parnaarussaasoqartassava?

Inuit tusaajumannigitsut pillarneqarsinnaanerannut ingerlavagut, naammagittaaliortissinnaanagit, ataatsimoorluta uani pissuseq missiornagu suliaralugulu ataatsimut aalajangiinngikkutta, uani itisiliilluni oqallittoqanngippat, aammalu allannguinnissamut naapeqatigiissutinillu isumaqatigiissuteqarnissamut piareersimavugut.

Allatut oqaatigalugu: Ullup uuma sivusuujunissaaq tassani ullut arlallit atorsinnaagigut akueraarput.

Imaanngilaq isumaqaratta Covic-19-mik ajornartorsiuteqarnermut taassumalu

nappaataajunnaarsinneqarnissaanut aalajangersimasumik isummeriaaseqartoqassasoq. Aamma

imaanngilaq pineqaatissiisoqartariaqartassasoq suleqatigiinnissallu pisariaqarnera paasisinnaanngikkipput.

Tamatigoortoorusuppugut, erseqqarissuliorusuppugut, tamanilu pingaaruteqartuni suleqateqarusuppugut,



**SULEQATIGIISITSISUT
SAMARBEJDSPARTIET**

siunnersuutinullu amnavugut taakkulu tapersorsorlugit. Ujartuinnarparput inatsisit uku sukumiilluinnartumik oqallisigissagigut allanngortillugillu. Ataatsimoorluta.

Nunatta pissusaa isumatusaarluta atortigu. Inoqarfiit ikitsunik inoqarput avinngarusimallutillu. Ernumassut ersigisarlu tassaavoq nunaqarfimmi mikisumi illoqarfimmilu mikisumi Covidimik tuniluuttoqalernissaa peqatigitillugulu silarlulluni. Taamaammat: Tamanik misissuineq, misissuineq, sivisoorujussuarmi, misileeriaatsinik sapinngisamik pitsaasunik. Japan, Singapore aamma Taiwan tuniluuttoqarunnaarsitsinermik ilutsitsipput, taakku aamma qissimigaariartigit. Tamatta asasagut qanigisagullu maqaasivagut, nunarsuarmi tamarmi tuniluuttumik nappaateqartoqarnerani Kalaallit Nunaanni sukkasuumik sunniuteqartumillu iliuseqarfiginissaa kisaatigaarput.

Aammali kisaatigaarput aaqqiissutit isumatusaassasut eqqarsaatigilluagaanissaallu – minnerunngitsumillu: suliarilluagaassasut.

Soorunami allatuulli nappaat una ernumassutigaarput, neriutigaarpullu katsorsaanermik ajornerpaamillu nappaateqarnermik takussutissalinnut nakorsaammik sapinngisamillut kapuummik sukkanerpaamik nassaartoqassasoq.

Tamassuma pinnginnerani nunatta pissusaa inissimanageralu, allat tapersiissutaat isumassarsiaallu tamatsinnut iluaqutaasussanngorlugit atussavagut.

Taamatut oqaaseqarluta siunnersuutip uuma ataatsimiititiami suliarineqarnissaa inassuteqaatigaarput, tassani kisaatigalugu aappassaaneerneqarnerata appassaaneerneqarneratalu akornanni partiit tamarmik sinniisoqarnissaat kisaatigalugu.